

三十三冊

卷之二十七

春明逸史三

林下筆記







林下筆記卷之二十七

泰明通史目錄三

繼隆園親公守僕軍張果行

天瑞真殿

望廟樓失火

清源殿忠義

四王神位

在家僧

住青教坊

明太







林下筆記卷之二十七

春明逸史目錄三

顯隆園親祭守僕軍服舉行

天漢真殿

望廟樓失火

濬源殿忠義

四王神位

在家僧

北青教坊

明太



女真古塚

塚名

北兵營猶

南男北女

金城題碑

面鏡臺異蹟

明沙海棠

叢石無等山石優劣

隱仙洞

伊川溫井



穎樵警語

嶺南志恠

統營鴉羣

香山古櫟

弼雲臺

梵魚寺除役

梧陰西溪舊基說

雙檜亭古事

紅葉亭石刻

摘文院種檜



閣直難於史直

園棊忘替直

法善圖說

經山論文

古之四六

心庵文話

祁堂論文

時文之法

與心菴論宋史

經字異同



古人省文之法

咏史評

石誌之始

墓文之評

石居生碣銘

東臯神道碑

預請墓文

詩家高低字之論

不知翁像自殯

橘山之補



長老教人

請文禮貌

徵文有幣

華人徵文

書冊圖章

官銜圖章

聖學輯要

翰園

諸公款曲

梧墅警語



心庵明見

璚璫玉衡

雲石棋訣

壺山達論

晴沼坦率

坦齋清白

羽堂明識

經山處變

經山奏對

經山亢節



祁堂早負重望

祁堂詩識

坦齋之言

心庵勸戒

二公之儉

韓相嗜青魚

沈相嗜狗羹

慶熙宮漏器

揆政閱儀器

欽敬閣



樂院本因

畿營古事

流霞亭遊譙

鬱陵島桃實

水土利害

東井水

啓蒙格論

婚禮之儉

禪服行祭

謁聖科作



科夢

師生同識

三世為登極科

交友門路

坦齋致政之由

先輩讀書

喜看稗說

西賢文集

關北儒風

嶺湖防禦



銀臺古規

憲府牌式

貤贈名異

漢陰畫像

夢得賢相

蟹湯

生存三世科

朴氏崇孝錄

桐漁語音

豐原規諫



靈城氣像

手旗方色

佛笠

嶺磬白鬼

福相不管廟祔

文衡試藝

行必擇日

畏侍監役

老嫗之異

正人退虎



孝子求官

咸興神祠

南城席徵

諧語解頤

科後不仕

金定牧先見

達川沃壤

小鵲有靈

包苴不行

彼言相公



桐漁札辭

致仕參聯劄

前後身

世傳香爐

農夫說

唐物貨說

錢幣

楮幣

沁都古冢

西北市之災



息庵瓦當



[illegible]



林下筆記卷之二十七

月城李裕元景春輯

春明逸史

顯隆園親祭守僕軍服舉行

顯隆園平日好軍服故正廟於水原幸行衛內皆軍服後圖寫御真也亦有軍服本奉安於華寧殿又於顯隆園華寧殿親祭命守僕以軍服舉行而翼憲兩廟御真俱有軍服本哲廟以此圖寫惟純祖無此本

天漢真殿

宗親府奉哲廟時容曰天漢殿倣璿源殿也辛未秋



北闕所奉衣襪親封于宗府因命八侍仰瞻御真惟  
軍服本最為得真况如玉欄咫尺承聆玉音也

### 望廟樓失火

憲宗初年闕宮望廟樓失火正純翼三朝御真奉安  
處也上震驚命八直閣臣馳往奉審詳詢引火之由  
蓋御真龕室乃溫埃也餘焰所及以至於灾大臣稟  
請用炭換薪余於慶基殿濬源殿俱倣是例亦以炭  
代之

### 濬源殿忠義

濬源殿舊有忠義衛三百名為守護之役往在丙子



之亂以失守之罪降作別隊馬軍于今二百餘年子孫相繼仍把初不收布只行點閱然至若後承之抱冤廢鬱有足干和余自北還擬欲提奏因心庵之靳持不得有曠蕩之典後道儒上言蒙允大臣亦繼奏得以免賤役

#### 四王神位

當子朝庚午宗廟修改之役余以都提舉始終奉行詳審儀節而其所移安之禮自依儀註為之謹瞻永寧殿四王神位題曰某王神位字樣稍大刻以填金似是成石磷書也而其刻字填金考諸傳記無可據



盧抑或燕季之俗歟

在家僧

北關六鎮有在家僧服歸與僧一也有妻子飲食與俗人同國家之置此蓋有意焉見寺僧則羅拜庭下有若尊卑之隔男農女織最為殷富其俗甚嚮云

北青教坊

八路教坊之盛無如北青歌舞俱有教師其俗生女三人則一嫁農家一充教坊一賣巫祝所以妓女之數殆三四百名巫亦如之雖京國左右教坊無以當之



# 明太

明川漁父有太姓者釣一魚使厨吏供道伯道伯甚  
味之問其名皆不知但道太漁父所得道伯曰名為  
明太可也自是此魚歲得屢千石遍滿八路呼為北  
魚閔老峯之言三百年後此魚當貴于今其言預驗  
余過元山見魚積如五江之峙柴不計其數

## 女真古塚

北青尉地有一古塚甚大人皆異之村人自以為渠  
之祖先墓一日緬移他山邑人爭往見之則塚中有  
屍其服色乃胡製也七重上衣或青或黑掛念珠面



多鬚髯宛如生時體貌極壯必是女真時人而不下  
於五百年能尚今完全也

### 塚名

古有青塚王昭君墓也玄塚楊子雲墓也羞塚朱買  
臣妻墓也穢塚秦檜墓也東國又有赤塚崔瑩墓也  
穢塚徐選墓也

### 北兵營猫

北兵營有猫在運籌軒廳底每日一器飯一器羹依  
例饋之不敢傷其一雞猫有料米自營需庫除給載  
之式例猫若哭而巡於營中則兵使不吉亦一怪事



南男北女

去以南男北女謂之南方之男北方之女其實則以咸關南北而言也關北之女碩大白皙善織絰以供上每避陽氣土寮而工一歲織二端償錢數百金始嫁其饒者着裳四五襲車上羃以綿布

金城題壁

金城縣壁腰刻板橫數間題曰距京城三百餘里管領金剛萬二千峯此李京山漢鎮隸道勁與金竹泉樂民樓書相軒輊

面鏡臺異蹟



長安寺東有石特立水中如撐面鏡而石光明潤可  
鑑鬚眉故名曰面鏡臺金剛之絕勝者也曾有一貴  
人欲題名于此頃刻風雷大起剝氏眩暈不得着手  
而止名區勝蹟自為神鬼之所呵護而然歟

### 明沙海棠

由外金剛沿海而上皆踏明沙而行到處海棠生於  
沙中風起不見捲則出現輒紅的歷或數里而止或  
十里而盡儘奇觀也關北海西俱有沙棠豈棠之性  
喜生於海邊之沙故名之歟未聞南海之沙有此種  
也



叢石無等山石優劣

叢石在通川郡之海邊植立如柱而體具六稜稜各尺許高可十餘丈方直平正如從繩墨中起苟非造化之巧烏能如是哉余看光州無等山石詫為奇異今於此石觀止矣或曰兩石之優劣何辨焉余應之曰若使米顛當之則其於無等應覓袍笏而拜至若叢石不暇他想五體當投地以此定其高下可乎石不能言似可點頭笑

隱仙洞

洞在伊川府東一舍之地陽陰山北也洞門外磐石



流川可比京城洗劍亭之勝也沿溪而入有一洞天  
周幾四十里石壁高可百餘丈圍如城郭而壁下列  
殘山短麓人家曲曲巢居田土亦隨而藝之名廣福  
洞後改隱仙洞口刻朴定齋恭輔詩曰削玉鎔金四  
壁成迷烟抱月一郊平狼如鄧艾須還走窘似漿陽  
可嗤耕造物有心非謾說世人無眼不留行刺紋倚  
市誰能別聞道揚州又籌城所欠者全局形勢宛如  
釜底石壁之外俱是高山人登之可窺其淺深名以  
隱仙者誠夸誕也

伊川溫井



溫泉之在成川高城東萊溫陽者俱擅名於國中而不知伊川所有者為尤勝也昔者世宗有眼患取各處溫水稱量焉則葛山之水最重臨幸試之而行宮遺址至今宛然余於東萊獨未見之

穎樵警語

余於楓嶽歸路得穎樵金公書曰見楓葉入金剛是申相故事也以平生虛淡期望於閣下審其書意可以為余之規箴也申孝正名晚也

嶺南志恠

嶺南海邊雷震石壁石間有蜈蚣長可數丈落于地



壁面留其跡宛如板刻頭尾喙眼歷歷可辨有非思議之所及關東之平昌窟雲寧越德浦亦有此異

### 統營鴉羣

統制營內自古多野鴉千百為羣集于園林屋閣喧聒惱人禁之不得為設逐鴉軍厚其料布舉行者但此事而已此載營邑誌

### 香山古橫

雲光大師叢林中名釋也臨寂時留小橫於寺中曰百年後必有開之者橫子小如木枕傍有一竅見無他物惟紙一堆也封鑰嚴秘寺僧相戒莫動李文簡



書九以使星宿是寺覓櫝子來仍出囊中鑰匙試之  
一入卽開取見其紙笑曰此在斯矣僧言是前後身  
傳心之事云

### 弼雲臺

仁王山右六角峴下有樓閣洞而中有弼雲臺卽白  
沙先生遺址而石壁刻弼雲臺三大字是先生手筆  
也蓋先生之一字弼雲故因為臺名也今雖其時殆  
三百年而臺地依前無恙石刻宛然不泐有時生瞻  
不禁愴舊之懷也謹按宣廟朝相臣金公命元秦曰  
李某無半卧之官而意者贅居權相家其家在弼雲



後麓故曰以為禱此其或信史也鄭松江詩云心事  
弭雲山弭雲果山名歟壬申父老以余白沙後孫補  
為洞長修禊余亦樂而許之蓋三百年後始有之義  
事也

### 梵魚寺除役

東萊梵魚寺嶠南古刹也有釋朗伯者戒行甚嚴一  
日留記曰紅門外下轎入寺者當除寺役仍為歸寂  
後幾年雲石趙公為道伯巡路歷訪乃於門外卸轎  
步入而其積弊並蠲之果符所記之說

### 梧陰西溪舊基



梧陰尹公舊宅在於蘆原白沙先祖嘗夢遊有詩云  
桃花洞裏開千畝綠野堂中有八龍余於年前尋其  
處一回遊覽轉至樓山朴西溪古廬水石之勝過於  
蘆原而基址之蘊抱不及之蘆原東墅中第一區也  
梧陰尹文靖斗壽西溪朴文節世堂也

### 獲檜亭古事

白沙先祖舊宅在於倉洞古之制度甚狹正堂僅容  
膝外舍則溫突土床一二間而已惟祠宇稍麗度文  
所建賜者也上有小基先生手植獲檜於其中至今  
有之相傳七八代竟不能守至為放賣有人構小屋



於檜樹之下因以名焉往年徐石帆念淳增建臺榭  
多種楓樹改補紅葉亭余以先址購還復揭建檜之  
扁然檜一樹已經剪伐更為補植

紅葉亭石刻

余常在鄉廬故雖占紅葉亭花辰月夕一未玩賞乃  
刻詩於石曰排舖小小摠依撓摘葉銘庵憶老坡從  
古名園無定主主人來少客來多噫天地一蘧廬也  
所居之室殆同逆旅而況乎山榭野亭之忽有而忽  
無者乎

摘文院種檜



昌德宮之摘文院即舊日都摠府也設閣初寂翁李公晚秀以提學種二檜於庭六十年蔚然盛長余管閣務一株枯死更為補植榕溪笑曰此樹是提學之所種也苟樹長而君為提學則我之墓木已拱矣于今樹為數丈而尹公尚無恙余則未得為提學而居然髮已華豈樹得其天而人固不及乎

閣直難於史直

禁直之難必稱翰閣而翰林或有空番之時惟閣直非面代不得也昔鄭公基善在直值其大人花甲請替於諸僚一不應之公以不得出則畢生自請為定



荳溪朴公黽勉入替始得一日之暇此為閣中故談也余嘗滯直至近一朔之多其受困可知然體論類編等彙成在於伊時所得誠不少矣今則徒費厚祿一事無成還覺此日之苦也

圍碁忘替直

李文簡公光文與絳山將替直絳山已着章服欲出語次間欲圍碁李公亦不解帶而對局注以櫻桃質一盤口嚼手談不覺日之仄及起見櫻桃汁滿章服前幅絳山常言是事

法善圖說



當于每因玉堂故事列聖之良法美規多採納范祖禹云欲法堯舜當法祖宗聖上之學由舊章可仰也又選歷代善蹟之可則者繪成冊子名曰法善圖仍命文任撰跋文賤臣亦與焉

### 經山論文

余於暇日往陪經山閒話論及文字公曰作文之法異於作詩君知之否余曰文有排布詩有聲調然惟古詩如作文可以不失其格因評序記碑版之體以至駢儷余曰我東儷文與古大異實無體格之可稱豈能免作家之笑乎公曰然若一二人連用古法自



可變之仍問近日何人能工此文乎余曰李台卿金公緒俱能之而台卿不拘小節公緒行其所無事朴誠伯善詩家語病中作瀛寰竹枝詞千首於一月之間甚該備也公深然之曰吾家子姪中惟基年能繼我後不幸死矣基年即公之第二子工於儷文

### 古之四六

往時作四六者多用古人語及廣引古事以衡博學而不思述事不暢近時文章變體如蘓子父子以四六述叙委曲精盡不減古人自學者變格為文迨今三十年始得斯人不惟遲久而獲實恐此後未有能



繼者甫自古異人間化前後參差不相待余老矣乃及見之豈不為幸哉此歐文忠語也東人四六全以用故事為主故對耦每患不精宣宋朝制誥體果情文俱備歟

心庵文話

心庵嘗語余曰中國人願聞東國四六之文故仍誦言念五十年治平不無一二事得失其人大笑曰是何文法也曰四六也又笑曰非也願聞詩詞偶舉秋江寂寞魚龍冷人在西風仲宣樓之句一座擊節曰合於律也以是看之我東四六遜於諸文體可知司



馬公以不嫺四六至辭知貢舉是豈易言也哉

### 祁堂論文

祁堂探余篋中得經山九十壽序及課年疏題其尾  
曰壽序集千古有德而有壽者可謂善頌善禱文體  
其從昌黎句庭畫記中出來耶願將此九老之壽拜  
獻于九重天又曰課年之疏引用故事庶幾感格聽  
卑之天而猶未敢知也則留作小生他日一言而感  
至尊此無乃為小生省得一分力耶

### 時文之法

坦齋朴公嘗論古文之法曰近日文體大變藻繪雕



琢頓無純正之格非但文力不及主於粧拙險詞僻  
語恠字異句刻意搜集使人開口不得古文章法何  
嘗如是也且氣像不好處一切避之全以頌禱之辭  
蒼莽成篇安有波瀾之可觀乎老泉柳州文近左氏  
而文從字順則一也戰國策國語諸子文或蒼健或  
奇偉當時必曰時體而馬漢史最得文路之正上下  
千載無處不當也公之此言深有得於文法余於親  
炙時所承聆者也

與心菴論宋史

一日拜心菴於深遠亭論宋朝人物公曰呂夷簡殯



李宸妃事其甚遠慮趙普未嘗非賢相余曰夷簡此  
事足可有遠慮要加后服此得罪宗社公曰雖然其  
識則遠矣余曰弄得天下事使諸公至郎當且為其  
身謀至廢郭皇后尤足補哉公曰善余曰趙普論  
語半部之說已極無倫而太后之前臣普記三字此  
為罪案公曰果得是非之人而南宋以後太祖之嫡  
泓復為之主矣余曰高宗之得位孝宗之入承繼有  
不食之報高宗之不迎徽欽王於天下得無愧乎

經字異同

經字異同板之誤也而書之以備參證易乾卦君子



體仁京房本作體信坤卦陰疑於陽荀爽本作陰凝  
此卦君子以經綸荀本作經論豐卦折其右肱姚信  
本作右股書堯典協和萬邦史記作合和禹貢渠搜  
漢書作渠搜武成肇基王迹九經舊義作王績無逸  
天命自度漢石經作自亮詩周南是刈是穫爾雅作  
是穫名南蔽蒂甘棠韓詩作蔽蒂陳風值其鶯翻爾  
雅作鶯蠹檜風猗難其華楚辭作猗旒周禮地官辨  
五地之物生杜子春讀生為性大射儀洗象觥鄭註  
觥作觥禮記王制虞庠在國之西郊北史作四郊郊  
特牲三獻燭之燭釋文去火從肉內則偏饌之偏去



人從中論語里仁篇擇不處仁張衡傳作宅恭伯篇  
有婦人焉衛氏古文作殷人中庸眈眈其仁鄭註作  
純純不顯惟德通雅作丕顯孟子梁惠王篇食人食  
而不知檢食貨志作知歛萬章篇放之於桐履齋示  
兒篇作教之

### 古人省文之法

古人省文之法非但從簡省一字而文反有力則省  
之或曰古人語多急不甫也古人語質故有似聲急  
耳詩不顯亦世又亦不夷擇書雖悔可追又我生不  
有命在天孟子雖褐寬博吾不憚焉並省一豈字



咏史評

余咏史詩示祁堂其荅曰節義則宋之岳飛而文天祥明之方孝孺而鐵鉉瞿式耜而史可法也而有一舉而一不者如梅花怨離騷海棠恨少陵甚韻語也

石誌之始

以石誌墓始於顏延之古葬無誌近代貴賤通用之齊太子穆妃將葬議立石誌王儉曰石誌不出於經起元嘉中顏延之為王紇石誌素施無位策故以紀行迹亦遂相祖習儲妃之重禮絕常例既有哀策不煩石銘儉初著喪禮云施誌石於壙內古無此制然



孝子無以揚先人之德刻石紀功亦不必純用古制也東俗無貴賤以石灰搗作誌石有功德者或石刻幾片或燔瓷埋之實倣哀策也

墓文三評

余作徐楓石金邵亭墓文洪祁堂取見之曰金石文字若龍眠之傳神一髭髮不似便是別人今讀大作掩其題猶知其為誰而發則閣下手法雖顧虎頭透入三昧界必有所不可同日語矣

石居生碣銘

金石居基續膏囑余作生碣銘余笑應之其銘曰貞



介自守不驚奔競而高尚則未澹泊為志不營產業  
而放曠則未演麻草檄不讓古人而秉筆則未充棟  
汗牛不廢文墨而沽衡則未遍歷臺省不離清華而  
槐棘則未薄遊州牧不致僨誤而旬宣則未常懷致  
澤不忘報答而量力則未少有籌策不甚迂濶而適  
用則未偕老從爵不遠週甲而湯餅則未有子上庠  
不墜家聲而通籍則未蚤占蘭室不拘地理而克竣  
則未預請銘辭不嫌俗忌而自輓則未已然之蹟不  
漏書之而將來則未後之君子不無補述而及見則  
未語雖俚俗俱實際也



東臯神道碑

余曩年謁漢陰公墓過楊根郡東臯李公墓在相望之地見其大達文陰記無他語只書曰道德事功詳載國乘八字而已

預請墓文

樵泉鄭公託於余曰我之身後文字必請於公我之本末惟公詳知故所以如是而我即一近儒也必勿過獎以誣神道只書實蹟則死無愧矣

詩家高低字之論

余少時論聲韻於養研老人平仄之字當用處拘碍



難用可恨也老人曰音響好則自味於律亦當平而  
仄無碍余曰華東之音響不同不可以一槩而言且  
詩家味律豈人人可學乎只取遠簾之目而已

不知翁像自贊

余之圖像既成人謂肖之而余則未信乃自題曰不  
知翁仍贊曰人曰知之吾不知之知者知之是謂知  
之又題一轉語曰吾雖自知人則未知知與未知云  
誰之知

橘山之補

史曰終南山一名橘山月在乙為橘月山近乙方故



一名太乙山此詳見於五經要義余用以自號

長老教人

朴坦齋每教人也必踏實地於文尚昌黎於詩稱漁  
洛徐楓石教人也華實俱收文取歐蘇詩好晚唐而  
暮年嗜詩詩不及文然徃徃有詩會所會者為尹松  
溪朴璫堂金印亭也坦齋則不與人吟咏常獨坐索  
句二公之品藻相異余當詩文之作必用其體至於  
身後文字之役各以其體應之也

請文禮貌

為祖先請文者手奉其家狀拜而獻之則主人起而



受之敬其事也近俗不然家狀之相傳也或使傍人替傳亦或坐而授之烏在其致敬之意乎此禮不可不講也

### 徵文有幣

古之徵文者必具禮幣以是文人賴以契活所謂筆耕也昌黎之賢而亦以諛墓金見笑於人其他可知西堂李公德壽之卒也有人輓之曰春兩人耕潤筆田近日則無此禮而徒費文人之筆墨也

### 華人徵文

昔月沙入燕有人具厚幣來請碣文曰先教必以百



字叔文而生平事業靡遺之始可也敢以此相請月沙受其幣僅僅成篇為百餘字而更難可減請文者哭曰中國人不能作是文故懇於東國文章又不如意先教不得遂矣月沙使崔從事呈刪削之簡易立成百字文月沙喜而與之盡歸其幣於簡易蓋其人先託文於簡易而為其職銜復請於月沙也所以簡易有宿構不難立削請文先者職銜非但東人之然也

### 書冊圖章

余見書冊有割去圖章者輒悵然曰是必故家流出



者也凡所得書冊不踏余之圖章以其非長久可度也燕市購書如有古人圖章價必倍蓰若或聞人所聞則尤倍之為愛重古蹟而然也以此省之可知東俗之隘矣

### 官銜圖章

豐陵趙公文命有燕人所贈圖章曰文衡冢宰執金吾上將軍世皆壯之後樞臯金公復有此刻而更無能繼之者余於燕京亦得朝士所贈印章其曰翰林編修內閣待制起居注南床典經鳳閣舍人

### 聖學輯要



坦齋朴公嘗指出聖學輯要示余曰為學之要惟在  
於斯作者文詩章歌詞非不悅於心而至若無窮之  
味是理學也吾少也着力於此書到老不合時宜未  
免轉喉觸諱然終無大害者賴此書之力也因授一  
帙至今度在室中有時對書輒思公言也

翰園

翰苑故事一經蔭職則不得參園徐石耘當園時望  
屬於金正文而以己除教官相持永安國舅曰館規  
則不可破此人之不參亦欠事只參園而已近來染  
跡蔭奎者無不為之三四年間事如是也



諸公款曲

余於應榜日歷謁相門桐漁李公相璜荳溪朴公雲  
石趙公春山金公弘根舉皆期待賜坐域內娓娓談  
話豐恩趙公最多酬語歷舉華東古事一場討論蓋  
試之也余隨問而對未知何能而然也

梧墅警語

余決科後長老見之者俱贈警語朴文翼永元之言  
曰新進年少輩遇事則輒曰此皆他人所為之事是  
乃大病處也凡他人所為宣事事皆合於理乎吾自  
量其可與不可而行之非效他人事自合於理矣



心庵明見

余嘗請於趙公曰挽近泰西時鐘無人不愛公獨不然何也公曰非秋之不愛為其促老故遠之也蓋鐘鳴則時去時去則人老以若催景之物課日相對人何以堪乎公之此說似託意而發然見解則明也每對時鐘輒思公言

璿璣玉衡

辛酉壬戌年間諸譯官造自擊鐘若璿璣之制可容半間極為精巧李世郁輩王之獻于荷屋金公後轉之游觀金公余曾一見而今不知下落



雲石棋訣

雲石相公嘗謂余曰君知圍碁乎對曰未能公曰雖未能當有可知者排四子作家則吾手張而無外侵之患此乃棋法之要訣也凡人之涉世也毋論事之大小能用圍碁作家法則有何他虞公言寔警余而然所以平生不忘者也

壺山達論

余陞正卿徃拜朴爾獻語次公曰君見吾座得無留意乎余驚曰不敢當公曰今以君之年與位斷無是想而漸至崇秩然後當有知之者也余以崇品未半



年登公座是豈初意之可到者乎蓋積漸而行則高者可及人之意想皆隨其地而能廣壺山此言謂之期待可也謂之達論亦可也

晴治坦率

晴治趙文憲容和看書不倦一日耽看古文不省客來拜謁終覺之與之數語看書依舊客無聊告退公手其書茫然答禮客去已遠矣此與古人口吻生花近之

坦齋清白

坦齋朴公家計清寒內無一日之儲而公則晏如也



嘗提舉牲署該吏告以位太剩錢千兩公曰位太者  
是何用之穀而錢則出於何處乎對以本末公笑曰  
犧牲所飼之物何可取剩自用乎即斥退之後首擬  
司僕提舉公聞之以觸先諱辭此可以察公之生平  
也余時學於公在傍見之不勝感服每見得思義也

### 羽堂明識

趙公秉鉉嘗言於余曰君後日必屢當主文又當按  
藩矣吾有一言之可贈者凡主試也但求狀元作則  
其餘枝葉皆入彀中此則易矣其按臬也所謂六臘  
題評最為難事蓋上考下考雖有成筭而至於中考



則尤難其人可以為上可以為下故也及其掛榜也  
有報然者當中而不得中當下而不得下吾寧去職  
不可着手者有之伊時勿忘吾言

### 經山處變

濬源殿影幘事道啓入來舉朝蒼黃俱會朝堂時鄭  
公方帶宗伯之任於是取考政院日記及各司謄錄  
以永傍照者除奉禮判許進之教公則神色不變攷  
據自若日昃而盡得其要領仍為錄給該吏曰納于  
新堂也徐起而退先大夫以承宣目擊歎服以此看  
之公之三十年相業張本於是日豈人人可能之事



乎

經山奏對

憲廟丙午命藥院日次啓辭中坤殿問候依古例勿  
書事特下嚴教時都相鄭公以事體之不然連為執  
奏辭語正大上以筆欲削之公頓足曰不當如是事  
得安貼余以東壁長當為聯疏而公多指劃事亦歸  
便其時提調荷屋金公左根詳說裏許蓋玉署諸臣  
之免陷兩公之力也于今二紀余亦猥長藥院追想  
伊時事有若先天也

經山元節



憲廟戊申臺臣柳宜貞之處分也鄭公以洗革後進  
箋入侍極力匡救上教嚴勵而公奏愈溫和不終始一  
如至蒙恩譴於此可見公匪躬之節而其於進退綽  
然有裕其時入侍諸臣皆曰雷霆之下不失尺寸果  
卓難及也

祁堂早負重望

祁堂洪公自在南床已負重望每出入禁闥之際見  
者皆以判府事稱之伊時諉以美談其言竟符於數  
十年之後惟公風采人所想望而以有前定故其心  
靈能如是也



祁堂詩識

辛未元朝賀班逢洪公公誦一句詩曰是我夢中所  
作而覺後足成七律也其詩曰瞥眼光陰又一年都  
將盃酒笑悠然昭蘇柳氣千峯雪新搜桃符萬井烟  
好月特明留子地陽春先到近君天人人皆有三元  
祝生老昇平便是仙詩意和吉可為新正頌禱之辭  
而好月陽春之聯是夢作也時公欲乞解相職余指  
此句曰公之去就已定於夢寐果不得去

坦齋之言

坦齋朴公嘗語人曰我入京對人酬酢甚難蓋以不



見邸報故全昧世務莫辨頭緒人則茶飯言之者我則舉皆初聞有如隔塵者然若是而何以處世乎余亦近日每當此境愈覺公言之為禪功也

### 心庵勸戒

心庵趙公謂余曰公久在鄉廬不干世事是固難及處然凡人有經營之事往來于心亦一消遣法苟於事無心無一日寄生之樂心庵斯言亦一道也

### 二公之儉

梧墅朴公婚日所排溺器平生用之至於補破李文貞穆淵婚時木梳到老不棄五十年只此一箇矢人



謂儉也余惟曰厭舊喜新人之恒情而二公則雖於微物亦不忘本是為難及也余嘗比以青氈而請見之兩公皆笑而言他不令見之

韓相嗜青魚

韓翼貞嗜青魚每饔必供之權頭叱饌婢曰相位之供惟青魚是登罪當笞公聞而笑曰權頭禁我食魚也其時此魚一級直為三四文乃為賤者所食故如是也挽近唐艮遍滿海西我人所採之魚每用厚價買去雖貴者不得食因是而亦有禁物潛商之弊頻致邊釁為朝家無窮之憂聞深北產青魚狀如葦魚



而肪甚難炙此是真品云

沈相嗜狗羹

燕京人非但不喫狗肉狗死焚之沈斗室入燕過庚  
日使烹狗以進燕人大驚恠不賣至於借器烹之器  
皿并棄之余於北征聞之昔端相公赴人宴會見狗  
羹不食而還曰非待賓之物而公之規模各異

慶熙宮漏器

余在閣直一日往漏局觀儀器於其最大者刻領事  
以下監董諸人職銜而領事卽白沙先生也器是壬  
辰亂後造成者而又有李公好閔之重造漏器銘也



揆故閣儀器

英廟八年修舊渾天儀建閣于慶熙宮之興政堂東而度之。余曾奉審問架五六間設機置器粧仙人形而轉板誠一奇觀也。此顯廟朝舊物而崔攸之所造有御序文及御書額字自撤西宮之後不知下落也。

欽敬閣

余在雲監提舉也奉審本監之欽敬閣藏石刻天文圖卽世宗朝舊物也有御製欽敬閣記英廟四十六年建也。按金堦曰欽敬閣初創於宣德甲寅在景福宮康寧殿側遇火嘉靖甲寅再建又值兵燹萬曆間



改設於昌德宮瑞麟門內世宗朝日星定時儀尚存  
孝宗丙申毀撤作萬壽殿

### 樂院本因

龜川先生習於律呂之學嘗以太廟樂章之序次紊  
亂平居有所講究成一冊子及拜樂院正擬上疏論  
之而未果英廟丁巳釐正雅俗樂之相為奪倫者於  
是公之冊子得備審覽特命顯美貞明合為一章而  
仍存重光章更復九成之制由是雅樂得其正焉

### 畿營古事

畿伯新除每到界於雇馬廳仍為入來爾拜而在家



理事矣正廟壬子設監營于新門外道伯閣臣則叅  
公故外朝則不然當了朝叅於候班為宣武而布政  
門開閉之時以軍樂舉行摠戎使即京畿兵使也前  
則文宰多為之近用登壇例武臣為之且兼備堂便  
成一京軍門但畿伯之獨為外任而示不廢入來肅  
拜者誠無義也

### 流霞亭遊燕

亭在於豆浦即舊日湖堂而屬於內閣也正廟以後  
無賜宴之舉哲宗朝有是命選日宣醞令諸大臣赴  
燕朱芾赤舄威儀整暇都人士女爭先觀光洵為貴



歸昇平之像也

鬱陵島桃實

古之筆記曰鬱陵島中鼠大如猫猫大如犬葡萄大  
於卵桃實大於匏余未之信聞一玉堂言則陪往其  
大人三陟府見一桃實乃拾於潦水者也半為蟲食  
而大猶如椀古記果然也年例巡檢官只泊島邊採  
取紫檀而已其深入則未也雖有如許之物烏能知  
之哉

水土利害

古人曰凡人之宦遊四方者若水土為祟必以水土



療治此誠達理之言也我東則咸興水土補好而權  
彛齋敦仁為崇於此療之於嶺南瘴濕之地寧邊水  
土補好而李忠簡憲球為崇於此療之於湖南沮洳  
之地其理不可解也余於藥山之外三處水土曾已  
閱歷而咸閑冷而停畜嶺湖濁而巽弱然湖勝於嶺  
是皆隨人品賦水土從而損益不可一槩論也

### 東井水

井在北青府東門外以石作圍如京城訓練院桶井  
味極清冽相傳眼盲者能開云余在北患疰一年刀  
圭罔効取子正水二椀服之得差果聖水也井上有



亭作聖水歌揚之若在中土與惠泉互甲乙也

啓蒙格論

姜判書洸問於余曰公之子何以受學余曰有一伯強也曰此兒將無成矣余恠問其故曰我之子使他人教之安望其人之盡心也此乃等閒酬酢而誠格論也余旣無誠心教子只欲人之盡誠寔愚而暗也

婚禮之儉

余過子婚一遵朱子家禮不近紗緞珠翠惟以土產之物省約辦備而櫛皮為幣行親迎儀仍著為式俾後孫遵行孝貞公常曰年幼兒輩飾以錦繡食以珍



美非養福之道所習聞於家庭者如是至今服膺而不忘也

禪服行祭

禮以禪服用於行祭經山以禪時服歲于寢每當忌辰服而行事五十年英敗不堪用補綴者之人皆貴之余亦以禪服用於行祭雖違於時祭齊明之儀而庸庸追慕之誠耳

謁聖科作

王考孝貞公長於表策立成數篇正廟朝屢被節制之選而以非抄啓體未得免擢逮純祖丁卯行謁聖



科以唐羣臣賀張九齡進千秋金鑑錄為題時考試者俱巨匠也相謂曰若以鶴下人間虹流華渚之語作首句則好矣果有一券載是語於初長句擬擢狀元而以承短句之小欠置於第二圻之即公也伊時試鑑之高科作之能可稱二難矣

### 科夢

南金陵未科前其夫人夢庭中收屍葬於後園甚惡之言於公公喜曰吾當為庭試狀元也蓋屍與試葬與壯園與元同音故也朴坦齋夢告榜聲者皆黑衣人也甚訝之登科三日其堂叔以騎即在禁中發送



近伏軍士皆着黑衣也

師生同識

琶西公差監試會園試官時當仲秋月明僻巷數老  
儒相語曰此丈月夜乘醉向北岳而去其題必出山  
高月小也各製一篇明日果出是題一魁一副非但  
科儒之善於料事先輩試鑑亦如是矣

三世為登極科

余之族祖廷奎擢純祖登極增廣科其子啓善赴哲  
宗登極增廣殿試其孫裕承捷當亨登極增廣科三  
世應是榜非不貴矣而俱不得賜花亦異也余先大



夫應榜於庚寅後亦無賜花余應榜時例受而不受

### 交友門路

坦齋朴公戒余曰交友必正門路苟門路不正所交者似無味其交長遠若門路不正雖其甘如飴則不久所以君子之交淡如也晏平仲之久而敬之劫於交道吾於仕路閱歷既多每取無味者友之甫其志之余見公無尋訪者而惟淵泉洪公最近也

### 坦齋致政之由

粵在甲午純元太母垂簾也坦齋朴公以藝文提學製進教文時權彛齋方帶知申招館吏分付曰教文



中西聖朝三字語涉無稽湏即改之之意徃傳也公  
不悅曰以書相規則吾當安受至若分付有闕朝體  
豈可如是乎於是還覓文草處以身病徑出卽地辭  
通仍為下鄉闔門謝事時論皆咎曩齋亦以公處義  
之太過為言然本事則由於人見之不同而公之嚴  
止推可知也伊後西聖朝三字作恒用文字

先輩讀書

洪自溪良浩每日讀左傳十遍人問之曰吾老境讀  
書無用而凡人之求墓道筆路甚涉若不如無以  
應之洪淵泉每日朝起無論某書以四五行爲準必



讀五遍先輩之巨匠猶如是况後生乎西堂李公作  
文必閉戶揮客書冊滿前云三公之規模各異也

喜看稗說

李敬翁晚秀平生不知稗說為何書一日有人贈金  
聖歎所批西廂記水滸傳兩種公一覽大驚曰不圖  
此書能具文字之變幻也由是大變文體桐漁李公  
平日手不釋者即稗說也毋論某種好閱新本時帶  
譯院都相象譯之赴燕者爭相購納積至屢千卷鄭  
經山好書而余四十年未見案頭有閒書諸公之趣  
味各殊也



西賢文集

鷺湖洪山林直弼嘗送人於先大夫請謄龜川卷窩  
二公文集曰吾之平生尊慕者此西先生也西先生  
安有偏係於時論乎所以吾儕家多度西文集而吾  
獨無之如是相請云洪公之尊賢樂善老而彌勤從  
可知也

閑北儒風

咸閑以北屋如土窟人服獸皮然素尚儒風男子皆  
知讀書女人舉解紡績祭祀必誠無卓椅之設展尺  
布於地安排果脯等物遙望之恍如獺祭魚也夜則



榨糠秕膏塗諸麻塗掃於壁穴而兩首燃之外照於  
書內照於績讀聲與機響相徹以是曾寧鍾城之間  
碩儒多出若文東湖德教李松庵載亨諸人能冠冕  
北地者也

### 嶺湖防禦

嶠南之雋嶺竹嶺與湖西之延豐丹陽接界而其間  
衆水自西嶺之底合於忠州故忠州卽水上要衝也  
先輩之論俱曰忠州為可守之地海路自嶺南直達  
於順天等地所以倭物亦皆潛入於湖南左道矣苟  
欲防禦必先戒於湖南若湖南不虞則雖捨雋竹西



嶺可以直抵畿甸謀國者不可不知也

### 銀臺古規

國朝典例承旨每日持公事詣寢殿奏對其或非時入侍嫵於屑越請司謁代稟而或病其誤達乃以草書錄給則其紙轉為入鑑尤所未安遂止書啓之卽今啓辭是也由茲以還承旨之任自歸踈迹非復舊日之密勿也

### 憲府牌式

憲府屬之所佩木牌必擇負塗之都憲受其署押其例久矣余長是府也吏請牌署余曰何為請於非時



乎對曰李相公三霜載畢故改之。余漫應之後得其詳。每以有相望之都憲受署佩之終其身而又為之。他蓋以余能繼李公之後而然也。今雖前任歲時延候尚不廢之。如有新造牌者受署亦依舊有若提舉之例。魚也渠輩之所期待何其番番偶中乎誠可笑也。李相國乃菊軒忠簡公也。

貶贈各異

金公浚根之贈上相由子貴也。仲公洙根之贈上相因特教也。季公文根之贈上相以國舅也。三昆季之追榮各異人皆稱之。



漢陰畫像

漢陰先生祀孫李公宜翼倅嶺南時曝先生像於衙  
中道伯李文憲勉昇巡部之路特為拜謁移時思之  
曰中國人之贊先生也比諸洞庭秋月其氣像之清  
明可仰而猶經壬亂心常為疑今乃覺之先生眼若  
驚視所以備經艱險矣李公此言出人意表然愚意  
則不然蓋龍蛇之變關於氣數則有非先生相格之  
所可挽回又况寫本成於壬辰後則八年之間豈無  
驚心駭慮之事乎然則開眼太過不足為公像評也  
余之先祖白沙公像眉攢萬斛愁想與先生同纏民



國之憂也

夢得賢相

仁祖將行庭試夜夢設場門閉有一青龍以頭觸集  
春門頭上大書曰太平宰相李慶億上甚異之使近  
侍往見則一儒生乘醉而卧頭打門扇曰促開細我  
使者還報上大喜命開門入之是日圻榜公果擢狀  
元自是厚被三朝眷遇顯廟竟置三事之列此與殷  
宗之舉版簪何如也公余之行高族也

蟹湯

鄭忠憲民始李全州昌中之堦也正廟聞李家善作



蟹湯命鄭公使之烹入鄭公請於其岳母方治飪之際李公適入見之問曰此物爲用對以女壻之求公大驚曰私獻食物非人臣之所敢爲也又况早秋蟹性不利者乎仍埋於地鄭公備達其意上燭之然思一困之特除度支郎命翌日行輪對李公一夜間翻閱錢穀雜物之時遺在及登對也如誦記言上大奇之入侍諸臣相顧吐舌余則不難其登對之能惟難其蟹湯之埋也李公卽李文貞穆淵之祖也

### 生存三世科

三世生存科國朝未見聞也徐洪兩門有之云而徐



門則已攷其不然洪門則未之攷焉今見經山鄭公  
家祖為元老子是貳相孫登宰列求諸往牒無可與  
比也

朴氏崇孝錄

往歲余門中成金石錄後見朴氏崇孝錄於棲山精  
舍此乃玄石先生所輯也其規模凡例與金石錄大  
同小異然崇孝錄多輯自製文字金石錄則全以文  
章名節勲德行義之卓異者聚薈成編皆門內之古  
先徵蹟也余欲倣朴氏錄更成一帙而老不能此則  
以待後人



桐漁語音

桐漁相公語音甚低人無以辨至於奏對亦然或勸  
戒之公曰奏音雖細批旨咸格何害之有蓋公之方  
寸安靜如是也公嘗造置麟石一獲曰古人云墳高  
三尺卧麒麟我死之後須以此物代羊馬之用足矣

豐原規諫

英廟嘗臨筵夏經費之不敷豐原趙公顯命進曰臣  
惟望殿下之減竈也上曰此非予可行之事諸臣相  
顧不知為何說大槩宮人汰減之意也上亦以不可  
行為教則其弊推可知矣蓋國朝以來宮人名數原



無定額駸駸年積有增無損則料布之需將何繼支  
乎豐原有見於此而能言外人難言之事可謂賢矣

靈城乳像

靈城君朴忠憲文秀與梧川文忠公為內外兄弟同  
受學於外叔鵝谷忠定公每值誦講未暢之時必相  
與照鏡示之梧川故不施於朴公以致絕誦鵝谷將  
答之朴公起坐曰某第不照鏡至於此其罪亦當答  
鵝谷奇其言而畫之嘗於屏後相為爭詰竊聽之相  
較門閤也梧川曰汝家有如龜川先生者乎靈城曰  
我祖父堂公有之又曰有如白沙先生者乎答曰是



則我自當之鳩谷撫頂補之曰汝必做白沙事業也  
後當戊申之亂朴公以叅謀從事運籌決策多出意  
表者畢竟勘亂封勲為世名臣蓋自幼時氣像之數  
越大異於人也

### 手旗方色

歸鹿忠孝趙公之拜嶺伯也西堂李公謂人曰嶠南  
午方也而趙台面帶火氣將不利也果當澄閣回祿  
之警西堂之言或偶中也嶺人每以新伯手旗占其  
地之豐歉故色紅者忌之為慮旱災也最好者青旗  
也曾見先大夫之按節是道也建青色旗踰雋嶺則



士女觀光者舉欣然曰豐兆也其年穡事果大成至  
今以是驗之云

### 佛笠

佛笠者今之僧笠音變為屈笠者也其制遠自唐布  
帟和尚我朝無學惟正諸僧皆着似是公服用之也  
所以笠上有小臺此則玉鷲所着處余見於西山大  
師畫像而知之

### 嶺營白鬼

歸鹿相公之在嶺營也一夜與夫人對坐衙舍近於  
祠堂而堂前有古槐一株忽有白氣起於樹上頃刻



幻形宛如僧之着衫者然夫人見之而公則未也問  
於營屬則曰是乃白鬼見者不壽余於是營終未見  
值其鬼已滅而然歟抑見之者別有其人耶

福相不管廟務

洪孝安樂性之為領揆也正廟命左相照管廟務罕  
例也蓋以公郡年多福置諸首相惟其坐鎮雅俗而  
不使之賢勞也一日西伯有闕公問於籌郎曰箕伯  
薦望以誰擬入云乎當時傳為美談近例領相外左  
右相不管廟務非古也

文衡試藝



洪國榮之致仕也宣麻文牌招文衡製進事政院稟請正廟教曰藝文提學同為製進擇其好者用之於是大提學徐文靖命膺上疏曰謂臣之才劣則斥退可也何可與他人同製文字有若考試者然乎時議以公不嫻四六故有是命也卒用徐公文

行必擇日

樊巖蔡公濟恭大拜後每當出行必為選日人問其故公曰前日則吾運通時也將至此座故每事順利今已亢矣漸如下山之勢吉氣轉消動輒得謗正當戒嚴於未然之前故如是也蓋公出入通密夷險閱



歷非後進之可及而末節謹慎猶自如此正廟之始終眷注良有以也

### 畏待監役

洪翼靖公鳳漢之在相位或內舍當饒而有通刺者雖卿宰之貴每盡食而後見若監役來則必推盤而起家人請其故公曰大小官職中惟監役最難也必其人具門閥聲望又其姻親族黨之有勢力者周旋然後始乃得之所以三世監役與入閣等可畏者此也蓋公之言為重其官也今之為是職者誰能推洪公之食乎余願一見之



老嫗之異

西門外梢廬橋傍有一老婆賣粥者也嘗見海石金公載璣之侵曉赴公笑曰吾閱其三世眼光其九世祖如一瘦炬伊父如一瘦燭矣此公乃一瘦螢火也公聞之使人招之不知所去其九世祖金忠貞銓弭懶軒中廟朝相也父金文貞燈正廟朝相也豈巾幗賤類有是具眼能言人家九世事非鬼則異人也

正人退虎

光陵局內從前有虎患每作鬧於齋室鰲恩君為享官於廳上整朝服明燭危坐席又未擾公止色責之



曰爾亦神物能知此處為重地也安敢乃爾自是寂  
然蓋公之誠敬有以感孚也然則劉昆之虎北渡河  
未足為奇而韓公之鰐魚遠徙亦可見也

### 孝子求官

鰲恩君之繼大夫人性頗嚴峻公承事盡愛敬之道  
一日大夫人囑其弟得差監役之任公欲懇於銓官  
三日連往不忍發口銓長恠問其故公始陳本末答  
曰情勢則然矣此事決難奉承公曰縱知其不可為  
人子而負親教何以聊生因哭之銓長告其意於樞  
臬金公公報曰趣施之朝家豈惜一微官失一賢相



于世以哭監稱之未幾公亦大拜噫伊時事至今想  
像猶令人感泣則誰不為之動聽乎鰲恩君之以親  
屈志楓皋公之為國爰材可謂兩得之也

咸興神祠

李公義甲為北伯時兩女隨徃年俱六七歲也一日  
無端對坐死於廊廡之下自是忽有魑魅擾於營衛  
靡晝靡夜人不堪其苦於是仍其處作神祠凡物產  
之入內者必先薦之不然則有警至今不廢以是李  
氏相戒不赴此營云

南城虎徵



鄭公基善居留南漢也一夜見一物高坐於正堂之  
交椅下認以為人舉燭照之始躍而去乃大帟也翌  
日一城哄傳連任未幾公遭艱於任所似有先驗也

諧語解頤

金公周默文章士也早第而有材不遇每以訴諧玩  
世時李潞為東壁公議不叶際有同硯友徐公淇修  
選檢閱所謂西飛也公賀之笑曰可謂東飛伯勞西  
飛鷲也一座捧腹蓋東飛伯勞者李潞為東壁而門  
閤太白之謂也西飛鷲者徐公字是斐然而選西飛  
翰林也



科後不仕

申公綽判書絢之弟也其大人宛丘以文筆聞於世就養其長子成都任所入羽化門而大驚曰吾其不歸矣其名大羽故也未幾訃至而公則在京登科計其日子在於遭艱之後公以有傷名教終身自靖雖有拜命一不就之朝廷賢之加官至副提學

金定牧先見

純祖辛未金公友淳牧定州聲績頗著一日謁私廟則主神俱背坐卽日治送內眷仍為圖進曰此地多匪類未久當有變是冬果有嘉山之亂列郡騷擾先



見之明為時所稱

隄川沃壤

純廟壬申王師之討定州土匪也大陣設柵於隄川橋傍總過一翔轅門外糞穢成堆於是擇地移寨及賊平隄川近處便成沃土人皆指點余屢經其地果然人無灌穢之勞而穀自茂盛記昔龍蛇之變天將東征者稱我軍曰好喫飯善放糞其言有見也

小鵲有靈

朴坦齋曾有伯兄總踰十歲而夭一日有小鵲來宿於王考牧使公之室簷課日為常有時飛下於食床



前輒投食食之及移任鵲必先到其所十年如是人  
謂小兒之靈甚憐之到綾州也鵲忽然死於床頭舉  
家悲感為埋先山綾州卽公末任也

包道不行

沈文忠燬之之秉軸也相帥洪文彥遺以鍮盤器一  
具公不受回書責之曰君亦儒家人也豈忍以此污  
宰相乎梅園徐清文箕淳夜半燭滅而坐公事適至  
無以照閱求隸問之為買一條燭助明翌朝公見而  
驚曰燭之燃餘何不還之蓋所剩者殆未盈寸而竟  
給之此又何如當有辨之者笑



彼言相公

林貞簡漢浩之為吏判也教官有闕楓皋金公欲薦某人而難於直請轉託李及健要為紹介李公以其意通于林公其答書曰彼之言雖如是此窠已有所擬者蓋彼者指楓皋也李公以其札回報金公公覽之微哂而已及卜相也力薦林公曰彼言之云者可合也時稱彼言相公而金公休休之量世皆感服

桐漁札辭

楓皋金公擬薦副提學以朴壺山及朴公齊聞敲推未定書質於桐漁相公其答曰木嘗義矣韶盡善也



蓋朴相公字子木也朴叅判字景韶也言簡意渾而  
取捨自見此等名話可補世說而古人將無同之語  
還覺歇后矣

致仕叅聯劄

金陵南公致政後猶叅大臣聯劄而見漏於批旨傳  
諭政院無心而然也時相奏罷承旨是余所聞者也  
蓋公休致疏以退去後聯劄收議等事當叅之意及  
之故有是事也

前後身

李副學錫杓大提學寅燁之孫也夢每受祭於一村



家後為完伯巡路見一村家即每年受祭處也詰問  
之一老婆言有幼子聰慧見道伯之行艷而病死憐  
而祭之公厚遺之因心動終卒于任所其前後身之  
事從古有之公近於開門人是開門人也

### 世傳香爐

梧墅朴公卒後其家移住於終南下之綠泉亭即公  
之別業也此為國初相臣權翼平曄舊基而其婿南  
將軍遜鬼處也千年古蹟有三即石臼藤蘿盤石是  
已朴家建祠宇度一香爐是九世傳來之物而一夜  
封鎖如前爐則不在甚可怪也是年其子若孫相繼



並沒悲哉

農夫說

古訓曰農不可易言也有氣力有誠勤又有役糧然後始為健農三者闕一不可是豈人人之所期也利莫如農苟不失其工則雖有若干災害畢竟有收穫之功古者旱田多而水田少故有付種之法自土辰後厥此耘耔習彼便易是所謂插秧也楓石徐公在度支引漢唐古事請復付種之規蓋習於農也

唐物貨說

我人見燕貨通稱唐物者語似無義是有說焉蓋三



代尚矣自秦以還上下數千年間有國長久而文物  
燦備者莫如漢唐故所以外國之於中原人稱漢人  
物謂唐物豈無所以而然乎非惟外國雖中土之人  
亦然漢唐之稱牢不可變是乃習俗之難移者也

### 錢幣

伏羲始制棘幣黃帝范金為貨虞夏商金幣三品至  
周太公立九府圜法錢制始定後景王更鑄大錢秦  
曰半兩漢高鑄榆莢錢呂后改八銖文帝改四銖武  
帝為五銖輕重適宜蜀之直百吳之當千晉之比輪  
陳之六銖梁之兩柱皆失之太重魏之水浮風飄鵝



眼宋之緹環菜子符葉晉之四分隋之裁皮糊紙皆  
失之太輕唐高祖鑄開元通寶肅宗以一當十又以  
一當五十宋初鑄宋元通寶太宗始用紀元鑄錢曰  
太平通寶嘉祐行折二之法宗寧行當三之法皇明  
鑄大明通寶與歷代錢無用又鑄洪武通寶當十當  
五當三折二東國肅宗朝始行錢當十兩寅鑄當百  
錢行之數年而止

楮幣

漢武帝始用白鹿皮為幣唐憲宗有飛錢宋太祖有  
便錢真宗置交子務高宗設東南會子金元承之為



我東壬辰以前百官

祿俸有指貨銀張一

張可抵十兩

寶鈔明初亦用之余見清國紙幣卽公文也有戶部  
印花字得一紙則十年後可以覓錢其法甚縝密東  
國舊用布帛此其制也隨其長短交易近無而惟深  
北行之自錢貨之流入此亦不行

### 沁都古器

江華帑庫之設已三百年于茲矣有各種而其瓷器  
青色甚古東國古物也丙寅洋亂皆見失可惜

### 西北市之異

兩西每日有朝暮市海西尤甚關北無米商所須者  
惟野叟邨婆于橐于囊之至所以米穀翔貴若值夏




兩全城呼庚欲出米厘民不從令其故也人各散賣  
價隨而增減不欲使人權利又無米舶之外至關北  
之民易於遭餓良以此也

息庵瓦當

金文忠錫胄故宅在於會賢坊之僻處外室則毀於  
火惟存內舍名為聽流軒為其跨澗而起也瓦子皆  
印息庵二字今成遺墟而祀孫家尚有文券云







而全職時廣欲出未遂天下從命其故也人各  
情之所趨誠不欲使人權利之無未能之外至  
已乃易於遠歸其所以也  
急於見當  
如文書錫官故宅在於會稽切之僻處外常利波  
光以意因八石為制其外為其制而更之見子  
得為處二字命成達官而北孫安尚有大志



